



~~G. 17. 10.~~

EX BIBLIOTH.

NATIONIS HUNGAR.

VITEBERG.

V-48

SIGNAT. CLVCCCCXIII.



Aus schreiben

f)

Decani/Doctoren/vnd Professorn/der
Theologen Facultet zu Wittenberg

An alle Fromme
Christen.

48

Von wegen der Auflagen vnd Ver-
leumdung wider den neulich zu Wit-
temberg außgegangnen Catechismum, dardurch in vie-
len Landen vnware / friedhessige Schreier vnd Schreis-
ber / bey den Einfeltigen vnd Vnuerstendigen / mißuers-
stande vnd verdacht stiftten / auch vnleidliche beschwera-
nus den Vniuersiteten vnd Kirchen dieser
Lande zu verursachen sich vns
terstehen.

Den jenigen so die Warheit lieb haben zum
bericht / vnd meniglich zu verwarnen/
gestellet in der Vniuersitet Wit-
temberg / Anno 1571.



Gedruckt zu Wittenberg durch Ele-
mens Schleich vnd Antonium
Schöne.

Faint, illegible text, likely bleed-through from the reverse side of the page.



S können die jenigen so die Land
durch wandern / nicht genugsam ver-
sagen / was redens / wunderens / schreis-
ens / scheltens / verbannens vnd verma-
ledeiens sey / in vielen Landen / Sonderlichen in
Nieder Sachssen / von Flacianern vnd andern / wis-
der diese Schul Witteberg vnd derselben Theolo-
gen / von wegen des Catechismi / so in derselben neu-
lich in Druck zu Latein ausgegangen / vnd wird hie-
von aus vielen Lendern anhero geschrieben / So
erfahren wir zum teil selbst / was anfechtens es in
diesen Landen gibt von vntrewen Nachbarn / fals-
schen Brüdern / vnd in gemein von vnberichten
vnd groben leuten.

Als nu die Flacianer / als alte Feindt der war-
heit / ruhe vnd frids / vnd dieser Land Kirchen vnd
Schulen / noch nicht auff hören / vnd newe wege su-
chen (weiles jnen anderer gestalt nicht wil ange-
hen) Aid / vnd Fried / vnd fürnemlich die warheit
vmb zustossen / ist vns kein wunder / sein solches von
jnen gewohnet / Können auch keines guten noch bess-
ern von jnen gewarten.

Als aber auch andere / vnd aus den jenigen / so
dieser Schul / vnd diesen Landen zugethan / dieses
fals zu den Flacianern tretten / derer gemeinschafft
vnd namens sie sich sonst schemen / vnd jres theils
nicht sein wollen / dis wil etwas beschwerlicher fürs-
fallen / müssen aber beyde die / vnd den andern gros-
ben vntrewen hauffen belangendt / Gott befehlen.

Vnd ghen in gemein diese aufflagen vnd
beschuldigung / die Theologen der Schul Wittem-
berg leren vnd reden in demselben Catechismo vn-
recht / Von den beiden Naturen der Göttlichen vñ

2 ij

Mensch

Menschlichen / vnd vereinigung derselben in der
einigen Person Christi / von dem Son Gottes vnd
seinem Ampt / von Christi Himmelfarth / sitzen zur
Rechten Gottes / von dem heiligen Sacrament des
Altars / vnd das sie von diesem allen ein newe Lehr
einführen.

Damit nun menniglich zu schliessen habe / was
derselbe Catechismus für ein Buch sey / vnd was bil-
licher vrsachen die Anfechter desselben haben oder
auch haben können. Ist Erstlichen derselbe Cate-
chismus von den Professoribus der heiligen Schrift
in dieser Schul gestellet / wie sich denn das Collegi-
um derselben vnterschrieben / auch nochmals zu
demselben one schew vñ vnuerholen bekennet. Vnd
ist solches Büchlin zu schreiben allein dieser vnd
Keiner andern vrsachen noch meinung fürgenomen
worden / denn das es in den Schulen / vnd bey jun-
gen Leuten auff den Catechismum vnsers Vaters
vnd Preceptoren Herren D. Martini Lutheri / fol-
gen solle / vnd dieweil derselbe als die Milch ist / wie
es der Apostel Paulus nennet / vñ erste Kinder Lehr /
für Kinder vnd den gemeinen Man gestellet / So
ist die Christliche Lehre in demselben lateinischen
Catechismo / etwas weiter ausgefüret / damit die
jenigen / so etwas in irem studiren fortgeschrit-
ten / vnd billich mehr als Kinder oder Leyhen tra-
gen vñ wissen sollen vnd können / auch etwas mehr
von den sachen / vnd doch in kütz / so viel es mög-
lich / bericht empfangen / vnd in die heilige Schrift
die sie studiren sollen / noch mehr eingefüret werden /
vnd also / wie gemelt / ein Catechismus auff den and-
ern gehen solt vñ gerichtet werden. Darinnen denn
such dieses bedacht / das / nach dem Catechismo
zu schrei

zu schreiben kein ende ist / vnd fast ein jeder Pfarer
herr vnd Schuelmeister jm einen eignen machen
wil / Wir dennoch auch / als dies schuldig / das vns
ser dabey theten / vnd was den jenigen / so Doctor
Lutheri Catechismum gefast hetten / ferner zu lern
nen vnd bedencken fürstünde / in ein kurze schrift
zusammen brechten / damit welche es nicht besser het
ten / sich vnsers diensts hierin gebrauchen möchten /
dahin ist nun dieselbe arbeit von vns fürnemlich
gemeinet.

Vñ damit man auch ferner wisse / wie es nicht al
lein mit demselben gemeint / sonder auch wie er ges
macht vnd geschrieben sey / Wissen wir zu berichten /
vñ weiset es sich selbst aus / dz nicht allein von ob
gemelten Artickeln / die als von vns verfelscht / von
den vnwar vnd boshafften vnsern Misgönnern an
gezogen werden / sondern auch sonsten im ganzen
Büchlein durch aus / nichts anders geleret / noch
mit andern Worten geredt werde / denn wie diese
Schul vnd Kirche nun vom anfang / da die warheit
des Euangelij widerumb in derselben zu erbawen
angefangen / vnd nun mehr lenger denn von 50. Jas
ren her von allen Artickeln des Christlichen Glaus
bens je vnd allweg geleret vnd geredt hat / vnd wie
die in denen Büchern so zusammen gedruckt / vnd
Corpus Doctrinae genennet werden / von menniglichen
gelesen vnd befunden wird / vnd ist das ganz Büch
lein durchaus nichts anders / als ein kurze widerho
lung eben derselben Lehr / vnd sind beide die wort
vnd gedanken nicht vnser / sondern dieser Kirchen
vnd vnser Vorfaren vnd Preceptoren etc. wie sie
die aus heiliger Schrift gezogen / vnd haben wir
für vnser person / in demselben ganzen Büchlein
A ij nichts

nichts' anders' oder mehr dabey gethan / denn das
wir es aus dem Corpore Doctrinae also zusammen ge-
tragen vnd geordnet / vnd was anderswo mit
mehrten Worten vñ weitleuffrig geleret wird / in die
Kürtz gebracht / Vnd abermal sein es weder vnser
wort noch gedancken / wie das ein jeder so jenes vnd
dieses gelesen / oder noch lesen wird / selbst befin-
det.

⁊ Jeraus schlies nun meniglich / was Geist die
jenigen treibe / so diesen Catechismum so mördlich
anschreien vnd speien / vnd was der Christlich
Eiuer sey / daraus solches verfolgen des vnschuldig-
gen Büchleins entstehe vnd erfolge. Denn was
bis anhero in Corpore Doctrinae / in vnserer Herren
Vorfares Veter vnd Preceptoren schrifften be-
griffen / vnd aus denselben in dieser Land Kirchen
einhellig geleret / vnd niemand aus den vnsern / son-
dern allein die Papisten angefochten / auch die jzige
vnserer widerwertige Blutschreier selbst mit vns ein-
hellig geleret / vnd vnangefochten haben bleiben
lassen / das vnter stehen sie sich jzt / da wir solchs
aus gedachter vnserer Preceptoren Büchern heraus
gezogen / vnd in Druck geben / als für das vnser / vnd
an vns / auff das feindseligst anzugreifen / Da jnen
gebüret het / wenn sie solche Lehr für vnrecht ge-
halten / deren vor dieser zeit / vnd da die jenigen / so
sie gestellet / noch vorhanden waren / zu wider spre-
chen / die jnen denn auch wol hetten wissen zu be-
gegnet. Erzeigen sich also als solche Leut / die
nicht wissen was alt oder new / Christlich oder
falsch / recht oder vnrecht / vnd die allein auff die
person sehen / der warheit an jr selbst wenig war-
nehmen / noch von derselben richten oder vrteilen
können

Können oder wollen. Denn da es andere schrieben diese 50. Jar her/ war es jnen recht/ Da wir es nach schreiben/ taug es nicht mehr.

Das Jhesus heist ja anlauffen/ vñ sich blos an tag geben/ das etwas anders gesucht werde/ vñ das es diesen Leuten nicht vmb die warheit zu thun sey / als die auch selbst nicht wissen was sie taddeln/ straffen oder beschuldigen / Vñ wissen wir Exempla dz etliche fürgeben/ es würd in vielgedachtem Catechismo ein newe lehr vom heiligen Abendmal des H. Erren Christi gesetzt / Als aber einem aus denselben vns wissenden freueln strafferen geantwort / Es würd kein ander wort hie von in dem büchlein gebraucht/ denn wie es stünd in dem Examine Ordinandorum, das nu so viel Jar diese vnd viel Schulen / Kirchen/ vnd Land sich gebrauchten/ Da wuste derselbe eifferer nichts weiter für zubringen / vnd het jm gebüret vor zu lernen / was diese Kirchen bis anhero vom Sacrament geleret hetten / ehe denn er die einer newerung oder verfelschung so dürstiglich beschuldigete.

Wir haben auch dieses erfahren / das etliche so auff den Cangeln zum hefftigsten vnd feindseligsten wider vns geschrien / Wenn sie nachmals derenthalben ordentlich besprochen/ vnd zu rede gesetzt / das sie das jenige so sie geredt/ vnd die ganze Versammlung von jnen gehöret / nicht gestehen wolten/ vnd also selbst einen widerspruch gethan/ vnserre vnschuld zu beweisen / vnd was beständigkeit im fahl der not bey jnen sich zu versehen.

Von solchen vnsern heimlichen vñ öffentlichen Feinden/ ist der gemeine vngelerte grobe hauff der massen eingenommen / das allein aus derselben vns
ferer

ferer Feind anschreien vnd fürbildung viel von ge-
meinen Leuten den Catechismum auff solche bloße
fürbildung vnd verleumbdung für ein ergerlich
buch halten / das irrige Lehre / vnd newerung ein-
füre / da sie doch denselben nie gelesen / etliche auch
nicht lesen können / noch einigen waren bericht ha-
ben / was darinnen von obangezogenen Artickeln
geleret werde / Lassen sich auch etliche hören / sie
wollen ja nicht lesen / treten ja mit Füßen / vnd er-
zeigen sich als grobe gesellen fast vngeberendt.
Verwerffen also vnd verdammen dasjenige / das
ihnen unbekandt / vnd dauon sie nicht wissen / noch
wissen wollen / welchs denn keinem Ehr vnd der
Warheit liebenden zu thun gebüret / viel weniger
einem Christen / vnd leßt sich nicht entschuldigen
noch beschöner. Das sein wir gewis / das ein Christ
von dem bericht sein mus das in vnserem Catechis-
mo steht / Wer es nun daraus nicht lernen wil / dem
wird es von vns wol gegönnet / das er sich des ent-
halte / vnd lerne es aus den jenigen Büchern / da ers
besser findet / wie denn wir auch selbst gethan / Will
aber gleichwol nun mehr vnser noturfft erfordern /
damit zu mehrer vrkund derselbe Catechismus auch
in das Deudsche gebracht werde.

Ob wol aber vnser Widersacher in ge-
mein alle semplich dieses Büchleins halben wider
vns schreien vnd toben / so ist es doch bishero ein
blinder Lermen / denn ob wol etliche in irem sinne
hocherleuchte / hin vnd wider Brieff einschieben / in
diese vnd jene Stadt / vnd die Ketth / erfordert vnd
vnerfordert / berichten vñ verwarnen / was sie selbst
von diesem Buch halten / auch von andern gehal-
ten

ken haben wollen/ So hat sich doch bisanhero noch
Keiner derselben allen in einer offentlichen schrifft
erklaret/ noch gestehen wollen/ was er mangels ha-
be/ vnd wo zu viel oder wenig geredt sey/ damit wir
vnseren Gegenbericht darauff thun möchten/ vnd
vns gebürlicher weise verantworten / Außerhalb
eines Mannes von den vnsern/ der hat den Artickel
von der Auffart Christi gehn Himel angegriffen/
vnd dadurch vns verdecktig zu machen sich vnter-
standen/ als weren die von Wittemberg nicht rein/
was die Lehr vom Sacrament des Altars belan-
get/ Denn weil sie lehrten/ das Christus leibhaftig
gehn Himel gefaren/ vnd noch daselbst were / Were
daraus zu vermuten/ das sie nicht glaubten/ das der
Leib Christi im Sacrament ausgetheilt vnd des
in demselben genossen würde / Es hette aber dieser
Scribent billich bedencfen sollen / die wort vnser
Christlichen Glaubens/ darinnen wir ausdrücklich
mit klaren Worten bekennen/ das Christus ghen Himel
gefahren sey/ wie die Schrifft lehret / Vnd von
dannen / vnd nicht anderswo hero / widerumb auff
Erden kommen werde/ wie Christus auch selbst von
sich sagt / vnd also folgen müsse / das er im Himel
sey.

Diese beide Artickel wil er umbstossen/ vnd
den Artickel vom sitzen zu der Rechten Gottes mit
diesen vermengen / Vnd also lieber einen Schiff-
bruch am glauben leiden / damit er vns vnd diese
Schul verdacht vnd verhasset mache / Vnd die vn-
christliche Schwencfeldische Eutycherey der vbi-
quiter in die Kirchen helff einschieben / vnd andere
mehr greuel vnd Abgötterey dadurch befestige/
So doch die Sacramenta den Glauben zu stercken
sein

B

sein

sein eingesetzt / vnd nicht die Sacrament wider den glauben sollen gebraucht werden.

Wir haben aber die alte Lehr vnd bekentnis dieser Schul/Kirchen vnd Landen/welchs die ware Christliche Lehr / aller ding vnd von wort zu wort wie die im Examine steht/ in den Catechismum lassen vmb schreiben vnd verleiben / damit meniglich wisse / was man von dem Sacrament/ vnd das man nichts Neues lehre / So ist derselbe vnser Catechismus / wie oben gemelt / der meinung gestellet / das er dem Catechismo Lutheri folgen soll.

Diese vnser offentliche Bekentnis vnd Lehr/ lest derselb Scribent stehē/ vñ dieweil er vns in derselbigen nichtes zu beschuldigen findet/ Auch neben vns sich selbst dazu bekennet / suchet er on alle vrsach/ vns anderer ort dis fals verdecktig zu machen/ vnd also feindseliger vnd vnbedechtig weis / das er darüber sich an vnserem Christlichen Glauben vergreiffet / vnd selbst zwen Artikel desselben / wie gemelt/ begibt.

Als was grundt aber seine beschuldigung vnser Catechismi gefüret werde / vnd wie er die verdolmetschung des Griechischen texts in den Geschichten der Apostel als für vnchristlich ansicht/ Christus must in den Himel genommen werden/ Das sonst steth/ Christus must den Himel einnehmen/ der wir doch ohn alles gefehr / vnd nicht vorsezlich gebraucht / die doch auch an jr selbst / vnd also beide/recht/vnd war / vnd von den Griechischen alten bewerten Lehrern der Kirchen selbst gebraucht worden / dieses lest sich nicht wol Deudsch reden/ Ist jm aber in einer lateinischen Schrift genugsam verantw

verantwort / wie er denn zu latein dieselbe seine bes
schuldigung geschrieben.

Vnd dieweil derselbe mehrgedachte Scribent
diese sache selbst nicht für den gemeinen Man ge
bracht / wollen wir es dabey bleiben lassen / vnd
hierinnen auch seiner verschonen / Er wolte es denn
selbst anders haben / müsten wir als den ferner thun
was die nott erforderte.

Sonsten aber / wie je vnd allwegen von bey
den Naturen in Christo / vnd vereinigung dersel
ben / die Kirch / aus Gottes wort / geredt hat / vnd
man reden sol / damit die nicht vermengt / auch kei
ne auffgehoben werde / noch in die ander verkeret /
vnd der Gottheit vnd Menschheit das ire / einer je
den vnterschiedlich / gegeben werde / vnd Christus
vnsrer Heylandt vnd Erlöser ein warer Gott / vnd
ein warer Mensch bleibe / eines nicht weniger als
das ander / in einer einigen vnd unzertrenlichen
Person.

Je von sagen wir / ist abermals / nicht vnser /
sonder das alte vntwandelbare dieser Schul vnd
Kirchen Bekenntnis / Kurtz im Catechismo eingelei
bet / vnd wollen wir hierüber vnser höchsten vnuer
meidlichen notturfft nach / in einer langen schrift /
dis alles ausführlichen diese tag zu Deudsch nach der
lenge lassen im Druck ausgehen / Wider die
Schwenckfeldische Lutycherrey / so vnser Widersas
cher neben anderen mehren alten / vnd von alters
verdampften Kegereyen / wider vns ganz vergess
lich einfüren / Darauff wir einen jeden / so der War
heit bericht begert / hiemit gewiesen haben wollen /
sich weiter vnd nach notturfft zu erkunden / denn
B ij auch

anch der Artikel vom sitzen zu der rechten / sampt
andern obangezognen / in derselben nottürfftig
erklärer wird.

VOn dem heiligen Sacrament aber des Leibs
vnd Bluts Christi lassen wir es abermals bey der
obgemelten Bekentnus vnd Lehre bleiben / welche
diese Kirch vnd Schul bis anhero führen / wie die
meniglich höret vnd lieset / Wollen auch / mit Gots
tes hülff / vns von derselben nicht abtreiben lassen /
noch in einige Newerung oder fernere Disputation
einlassen / als die wir war wissen / vnd das ohne das
mit solchen Leuten / wie vnser Widersacher sein /
nicht zu handeln.

Was nun die Glacianer belanget / bleibt es bey
dem obgemelten / sicht vns ire widersprechen nichts
an / vnd behüt vns Gott vor irer gesellschaft / Als
von denen einem jeden / der sehen oder hören will /
nun mehr nicht verborgen sein kan / was derselbe
friedhessige hauff bis anhero gesucht habe / vnd
noch suche / vnd lesst sich ansehen / als wollen diesel-
ben Cadmi Brüder einander selbst auffarbeiten /
wie denn der anfang gemacht ist / Vnd hat dasselbe
Gesindt fast alle Jar eine Newe Lehre / wie auch
jzund die Disputation von der Erbsünde / das sie
ein wesentlich ding sey / vnd der verterbte Mensch
sey ein geschöpff des Teuffels / vnd anderes viel
mehr / ausweiset.

DJe Eutyichischen Ubiquitisten sein der sa-
chen auch nicht eins mit diesen / vnd haben vnter
jnen selbst kein gefaste noch gewisse Lehr / eben von
dem jenigen / darinnen sie vns vnd vnser Kirchen
zum feindseligsten vnd gefehrlichsten anfechten vnd
verdacht

verdacht machen wollen / vnd leßt sie Gott wider
die Artickel Christliches Glaubens anlauffen / vnd
in verdampfte Ketzereyen gerathen / wie sehr sie auch
sich der Augspurgischen Confession rhümen / Diese
alle wollen wir Gottes vrteil beuehlen vnd heims
stellen / vnd vnser ware Christliche Bekentnis inen
entgegen stellen vnd menniglich verwarnen / vnd
sein darüber nicht bedacht ferner mit jemandt zu
hadern / so viel möglichen.

Aber dis ist zu beklagen / das die jenigen / so
nicht Glacianer sein wollen / vnd nicht allein Aus
lendische / sondern auch die Einheimischen / vnd viel
vnser Mitgenossen / Geistlich vnd Weltlich / sich
gleich denen erzeigen / vnd das Schiff / darinnen sie
selbst faren / durch boren helffen / vnd hat bey inen
die aus Gottes grossen gnaden wolgefaste Christ
liche Lehr / welche so viel Jar bestendiglich / vnuer
ruckt / vnd zum treulichsten in diesen Landen geles
ret wird / so viel nicht gewircket / das sie sich nicht
einen jeden Windt / wie die Wetterfahnē / wider ire
bekandte trewe Lehrer / bewegē liessen / deren Lehr
sie auch in den bekanten Büchern / die man von Lu
theri zeiten hero / zu erklerung der Göttlichen war
heit / gebraucht hat / zu lesen finden / vnd billich les
sen / vnd inen bekandt machen solten.

Aber hie findet sich leider / das sie weder hö
ren / lesen / lernen / noch zunemen / auch was sie vor
augen sehen / inen nicht nütz machen / jr heil zu schaa
ffen / dieweil sie sich neben den Boshaftigen Friede
bessigen irrigen vnseren Widersachern zu dergleis
chen Blutschreieren / wider vns brauchen lassen /
Welches den auch gnugsam anzeigt / was an solch
en Leuten sey / vnd was bestendigkeit sich zu inen

B ij

zu vers

zu versehen / vnd kan nicht ahn sein / solches mus
verstendigen Lehrern bedencken machen / als die
bey solchen Leuten jr zeit zu bringen / bey denen
mühe vnd arbeit vbel angelegt wird.

Item derhalben meniglich / vnd alle War-
liebende fromme Christen / zum höchsten vmb Gots
tes / Christlicher lieb wolfart vnd einigkeit willen /
sie wollen vnsern Feinden / Widersachern vnd Vers
leumbdern / beyde des Catechismi vnd sonst / nicht
ehe glauben geben / sie erweisen denn ire Auflagen
wider vns / welchs sie in Ewigkeit nicht thun könn
nen / Vnd stehen vnser Christlichen löblichen Vord
fahren Schrifften vor augen / mit denen einem
jeden offen steth / diesen vnsern Catechisimum zu
vergleichen. Sinds sichs nun / das wir in allen Art
ickeln / eben dasselbe / vnd nichts anders leren vnd
schreiben / So gebürt auch keinem Ehr vnd der
Warheit liebhabenden frommen Christen dieser
Blutschreyer Mordgeschrey glauben zu geben /
vnd viel weniger hiedurch sich bewegen zu lassen.

Vnd bitten ferner alle Wolmeinenden / sie
wollen vns der Warheit zu gut / worinne sie mangel
haben / freundlich vermelden / das wollen wir
Christlich verstehen / vnd vns gegen einem jeden
danckbarlich mit gutem bescheidt erzeigen / vnd
was wir nicht mit Gott vnd der warheit zu verant
worten wissen / von demselben vnuerzüglich abste
hen.

Als aber den Andern vnuerfünlichen hauf
fen vnserer Feinde belangt / die vns vnd den vnsern
nach glimpff / Ehr / Leib vnd Leben / Gut vnd aller
Wolfarth / ohne einige vnser verschuldigung /
schreiben vnd schreien / können wir vns wider dies
selben

selben lenger nicht auffhalten/wie vnsere Vorfaren
gethan / Sondern dringt vns die letzte vnd vnuer-
meidliche nott vnser Bekentnis/ vnd grundt / mes-
niglich wider so grosse verfelschung Christlicher
Warheit / vnd gefehrliche/ Auch gantz vntregliche
beschuldigung fürzustellen.

Vnd bezeugen hie mit für Gott vnd jeder-
menniglichen/das wir solches viel lieber vbrig sein
wolten / auch für vnser Person nichts vnterlassen
haben/beide zu thun vnd zu leiden/tragen/ dulden/
damit es darzu nicht komen solt/ wie das vielen vns
sern freunden vnd feinden gar wol bewust/ Wollen
auch demnach an allem was hierauff folgen möch-
te/vor Gott vnd den Leuten vns entschuldiget ha-
ben/ vnd mögen die jenigen so solchen streit erregen
zu sehen/wie sie es nicht allein vor Gott vnd seinem
gericht/ (darnach leider wenig gefragt wird/ auch
von den jenigen die sich hoch darauff beruffen)
Sondern wie sie es auch etwan mit der zeit vor
Menschen vnd Christlicher Obrigkeit verantwor-
ten/Gott wolle sich vnser aller erbarmen/ Amen.





Ung VI 48


ULB Halle 3
002 720 54X



TA → 22







Ausschreiben
Decani/Doctoren/vnd Professorn/der
Theologen Facultet zu Wittenberg

An alle Fromme
Christen.

Von wegen der Auflagen vnd Ver-
leumdung wider den neulicher zeit zu Wit-
temberg außgegangnen Catechismum, dardurch in vie-
len Landen vnware / friedhessige Schreier vnd Schreis-
ber / bey den Einfeltigen vnd Vnuerstendigen / misuers-
stande vnd verdacht stiffen / auch vnleidliche beschwera-
nus den Vniuersiteten vnd Kirchen dieser
Lande zu verursachen sich vns
terstehen.

Denjenigen so die Warheit lieb haben zum
bericht /vnd meniglich zu verwarnen/
gestellet in der Vniuersitet Wit-
temberg / Anno 1571.



Gedruckt zu Wittenberg durch Cle-
mens Schleich vnd Antonium
Schöne.

f)

48